

در سعادته یکی پوسته خانه قارشوسند
دائرة مخصوصه در محل اراره:

مشارقه

دین، فلسفه، ادبیات، حقوق و علوم دین باحث هفته لق رساله در

مسلك منزه موافق آثار جدیده مع المنونیه قبول اول نور
درج ابدیلمین آثار اعاده اول نماز

اضطار:

مؤسسلری: ابوالعلا زین العابدین - ح. اشرف ادیب

تاریخ تأسیسی:

۱۱ نموز ۳۲۴

در سعادته نسخه سی ۵۰ پاره در

قیرطه دن مقوا بورو ایله کوندریلیرسه سنوی
۲۰ غروش فضله آلنیر.

در سعادته پوسته ایله کوندریلیرسه ولایات بدلی اخذ اولنور.

سنه لکی	الق ایلی	در سعادته
۳۵	۶۵	ولایاتده
۵۰	۹۰	ممالک اجنبیهده
۵۵	۱۰۰	غروشدر.

عدد: ۴

۳۲۶ شعبان ۲۱ پنجشنبه ۴ ایلول ۳۲۴

برنجی سنه

معنای شریف : هراس مهم یعنی حائز اهمیت اولان هر بر فعل
اختیاری که اسم الله ایله بدأ اولنمیه ایتدر ، نظر شرعده ناقص و خیر
وبرکتن خالیدر .

تنبيه

بسمه شریفه دن اعتباراً بوسوره جلیله تمامها کلام الهی اولدینی
حاله السنه عباد اوزرینه مقولدر ، انلرک لسانی اوزرینه ورود ایتشدکره
بوطریق ایله باری تعالی شانیه حضرتلری بزه اسماء الهیه سیله تبرک
ونعم سبحانیه سنه قارشو تشکر و درگاه سبحانیه سنه مناجات و تضرع
نه صورتله اولمسی مناسب . اجابت دعایه باعث اوله جفای تعالیم بیورمشدر .

معنای شریف

[بسم الله] = « بن یالکز الله تعالی حضرتلرینک بالجله اسماء
شریفه سیله استعانه و تبرک ایدهرک قرائت ایلرم »
اسمک لفظه جلاله اضافی اختصاص معنایی مفید اضافت لایمیه در .
بناء علیه ذات الوهیت سبحانیه و اوصاف کالیه سنه دال اولان بتون اسماء
الهیه شامل اولور .

[الرحمن الرحیم] = « اول الله تعالی که دنیا و عقباده قوللرینه پک
بویوک نعمتلر انعام و احسان ایدیحی و دنیاده بتون ذیروحله رزق و غذا
ویریحیدر . »

بو معنایه کوره « رحیم » دن ابلغ اولان « رحن » ک دلالت
ایلدیکی مبالغه بحسب الکفیه اللهرق رحن اک بیوک نعمتله ؛ رحیم ده
سائر نعم الهیه جل ایدلش اولور . آخرت نعمتلری هپ بیوک
اولدقلمی جهته کافه سی (رحن) ده ، دنیا نعمتلری بیوک و کوچک
اولق اوزره ایکی په منقسم بولندقلمی جهته بیوکلمی (رحن) ده
و کوچکلمی (رحیم) ده داخل اولور .

یاخود : « اول الله تعالی که دنیاده بتون عبادینی مرزوق و دیلدکلرینه
دها نیجه نعمتلر احسان بیوریحی و دار آخرته باخاصه مؤمن قوللرینه
نامتناهی نعمتلر ویریحیدر . »

بو معنایه کوره « رحن » ک ابلغی بحسب الکمیة اخذ ایدلش
اولور که دنیاده منعم علیه اولان افراد ، آخرته منعم علیه اولانله نسبتله
دها چوقدر . بوتقدیر جه نعمتلرک بیوکلمه ، کوچکلمه باقلیوب کثرت
و قلتنه نظر اولنور .

اعتبار اوله بناء ادعیة مأثوره ده (اللهم یا رحن الدنیا والاخرة
ورحیم الدنیا) ، اعتبار ثانی په بناء (اللهم یا رحن الدنیا ورحیم الاخرة)
وارد اولمشدر . (تقریر)

سؤال : رحن ، رحیم دن ابلغ اولدینی جهته مقتضای قیاس
تأخیر اولنمیسدر . بو مقامده نه نکته په منی تقدیم بیورلمشدر ؟

جواب : « رحن » ک دنیا نعمتلرینه مختص اولمسی صورتنده
دنیاک آخرته زماناً متقدم بولنمسنه رعایة تقدیم قلنش اوله بیلور .
برده رحن اسم شریفی ابلغی اعتبارله رحمت و احسانی هر درلوغرض
و عوضدن خالی بولنان منعم حقیقی معناسنه دال اولمقله باری تعالی حضرتلرینک

غیرسنه صادق اوله ماز ، بناء علیه ذات باری تعالی په علم بحراسنه
جاری بر اسم جلیل اولمقله لفظه جلاله مناسبت تامه سی وارد .
بو جهته ده رحیم اوزرینه تقدیمی مناسب اولور .

توضیح

جناب حقک غیرسندن صادر اولان لطف و انعام یا شای جیل
و ثواب جزیل قصدندن ، یاخود رقت جنسیت المنی و یا اعراض فانیه
محبتی قلیدن اخراج ایتکاملندن منبعث اولمقله در . بو جهته صدورینه
باعث قوی صاحبک کندی استفاده سندن عبارتدر . بناء علیه من کل
وجه آخره انعام اولیوب هبة کامله ، جود مطلق عد اولنمسنه .
بونکله برابر بتون ماسوی الله فی الحقیقه انعامات الهیهک عبده وصوله
یاخود انلرله بالفعل عبدک انتفاعنه و ساطت ایتکدن بشقه بر تأثیری
حائز دکلمدر . بناء علی ذلک جناب حقدن غیر منعم حقیقی یوقدر
واوله ماز .

« رحن » ک ابلغی کیفیت اعتبارله اخذ اولنمقله اسم جلیل
مذکور نعم و الطاف سبحانیهک یالکز اصول و جلائله دال اولوب
« رحیم » اسم شریفی نعم سائر الهیه بی درج مقصدیه علاوه ایدلش
اولور . بوسورتده « رحن » اصل اولوب « رحیم » آنک تمه سی
وردینی اولمسنه منی تأخیری لازمکیر .

سؤال : بونجه اسماء الهیه ایچندن اشو اسماء ثلثهک تخصیص
بالذکر بیورلمسک حکمتی ندر ؟

جواب : بوترتیب اوزره وارد اولان کلام شریفدن کافه اموره
وجیع احوالده مستعان په اولمقله سزاوار والیق انجق ذات احدیت
و معبود بالحق حضرتلری آجل و عاجل ، عظیم و عادی ، ظاهر و باطن
بتون نعمتلرک منعم حقیقی منحصراً ذات مقدسلمی اولمسی بالسهوله
مستبان اولمقله در که بوقدیه اکاه بولنان عبد منعم درگاه سبحانی په
حصر توجه و اقبال و کوکلنی ذکر و فکر مولای متعال ایلله اشغال
ایدرك دائماً توفیقات ربانیه طلب و نیازنده بولنق سعادتله ارشاد ایدلش
اولور .

مناسبتی اسماعیل هفی

حکمت ادیان

افراد بشرک یکدیگره تعبدیاتی منع ایچون ضبط و ربطه مأمور
پولیس و ژاندارمه کی حکومت مقصدنهک استخدام ایده کلکده اولدینی
وسائطک کفایت ایده چکی وارد خاطر ایسه ده بو خاطر طوغری دکلمدر .
بر پولیس ، بر ژاندارمه کوزی اوکنده جریان ایده چک بر جرم
مشهودی منع و یا بعد الوقوع فاعلی ضبطه چالیشه بیلور . جرائم
و جنایات ایسه اکثریا پولیس و ضابطهک یدمنی یتشه میه چک و کوزی
کوره میه چک زمان و مکانلرده وقوع بولور . بنا برین خلقت بهیمی سی
اعتبارله بر حیوان مقرر سدن فرقی اولمیان افراد بشرک هر درلو منویات

وحشیانه بر حال و حرکت و قوعی متصور دکلدر ... جواباً دیرزکه : —
بز ، طبعیونک اوامر و منہیات دینیہ درجہ رعایت و مبالا تیرینی بیلز سہک
دخی طبعیون عصر لردن برو تربیہ دینیہ ایچندہ و تربیہ دینیہ تأثیراتی
التندہ یشامقده بولنش و دینک احکام و قواعدی کندیلرندہ بر طبیعت
ثانیہ حکمنہ کچمش اولسلیہ حقائق منقولہ سنی ادراکدن عاجز قالدقلمی
قدرت فاطرہ نک هویت و کیفیتنی عدم تصور و تقدیردن طولای دینک
تأثیرات مادیه و معنویہ سندن خارج عد ایدیلہ میہ جکلری هویدادر .

طبعیون ، دینسز اولسدر بیلہ ، عقلسزدکلدردر ، دینک هر درلو
اوامر و مناہیسنی معقول و مقبول برر حکمت الہیہ و قواعد اخلاقیہ
اولدیغنی درک و تمیز ایدرلر . انجق ذات الوہیت و صفات سلبیہ
و ایجابیہ و حشر و نشر کی عقائدہ متعلق احکامک ماہیت و صورت
و کیفیتنی ادراک و تعیین ایدہ مدکلرندن طولای وادی انکارہ صاعلمی
و یافیفای حیرتدہ پویان اولملری قلب و ضمیرلری اوزرینہ اجرای حکم
و تأثیر ایدن مؤثرات دینیہ دن کندیلرینی وارستہ و رہا قیلہ من .

ماردینی زاده : محمد عارف

صفحات حیادتدن :

کوفہ

بش اون کون اولدی کہ معتادہ انقیاد ایلہ بن
صباحلین چیقیو برمشدم اودن ایرکندن .
بزم محله ده استانبولک کناری دیمک :
سوقاقلرندہ کزلز کہ یوزمه بیلیرک !
آدیم باشندہ درین بر بحیرہ طالعہ لایر .
صولر قاراردیمی آرتق کلن کلیر طایانیر !
برالده اولمی قنبدیل ، برالده اسقاندیل ،
سلامتک یولی انسان ایچون بو ، باشقہ دکل !
المده بر قوجه دکنک ، اونکلہ یوقلا یه رق ،
اوکم آطہ یسہ باصوب ، یوق ، دکزسہ آتلا یه رق ،
— آیاقده طورمایہ ال برلکیلہ غیرت ایدن ،
لسان حال ایلہ لکن رکوعہ نیت ایدن —
اوساخوردہ ، خراب اولرک صاچاقلرینہ
سیغنش اولیلہ کیدرکن همان آیاقلرینہ
دلیمک قوجه برشی طاقیلدی .. باقدم کہ :
کنیشجه بر کوفہ یا تمقده ہم ای اسکی .
بو بر حال کوفہ سیمش .. عجب کیمک ؟ دیرکن ،
اون اوچ یاشندہ قدر برچوجق کلوب اوتقندن ،
کریلدی تکمہ یی ایندیردی اولیلہ بر کوفہ یہ :
تکر مکر کوفہ بیتاب دوشدی تا اوتہ یہ .
بنم بابام سنک آلتکده اولدی .. سن حالا
قوروملہ یات سوقاغک اورتہ سندہ بویلہ دھا !

مضرہ و تصورات جنایت کاریلرینی حیرتعلہ چیقمتسزین قوہ تصورده
ایکن منع ایدہ جک یکانہ واسطہ ، دینک انسانلرہ تعلیم و ذہن و قلبلرینہ
نقش و ترسیم ایلدیکی الله قورقوسیدر .

مخافہ الله اولیلہ بر پولیسدر کہ بر لحظہ ، بردقیقہ انسانک ذہندن ،
فکرندن چیقمز . خوف عذاب و عقاب ، انسان ایلہ هر نوع جرائم
و جنایات اراسندہ اولیلہ متین بر سد و حجابدر کہ انی تمزیق ایدہ جک
هیچ بر قوت و قدرت متصور دکلدر .

دین اولیلہ بر ضابطہ مأوریدر کہ انسانک ایچنی طیشنی بیلور ،
ذہندن کچن هر درلو هوا جس نفسانیہ ، هر کونہ و ساوس شیطانیہ یی
آندہ منع و دفع ایلر .

دین اولیلہ بر پولیسدر کہ شہردہ ، خانہ دہ ، طاغده ، قیرلردہ
انسان ایلہ برابر کزر ، برابر اوپور ، برابر قارقار ، صاحبنی بر لحظہ باشی
بوش براقز ، پولیسلرک ، ضابطہ لرک ، حکومتلرک الی یتشہ میہ جکی
یرلردہ وظیفہ سنی ایفا ایلر .

دینسزلکہ یلتان برچوق متفرنجلردن ایشتدک کہ : — افندم ،
دینہ نہ حاجت ؟ بنم تربیہم ، بنم وجدانم بنی فناءقندن منع ایلر ...
بز دخی جواباً دیدک کہ : — افندی ! تربیہ دیدیکک نہ در ؟ تربیہ نک
اساسی نہ در ؟ تربیہ دن مقصد آنا باباکک سکا : « اوغلم شونی یاعہ
عییدر ، بویلہ سسویلہ کناہدر » کی نصائح و تلقیناتی ایسہ اونصائح
و تلقیناتی تعلیم ایدن ینہ دیندر . عیبی ، کناہی تعریف ایدن ینہ
دیندر . حلال و حرامی اوکردن ینہ دیندر . یوقسہ عیب ، کناہ ،
جلال ، حرام ایچون دیندن بشقہ بر صفت میزہ ، بر معیار تطبیق ،
بر میزان تدقیق یوقدر . عیبک ، کناہک ، حلالک ، حرامک بر شکل
مخصوص ، بر لون معینی یوقدر . مشروع اولان بر فعل عینی شکل
و صورتدہ ، عین زمان و مکاندہ ممنوعدر . حلال اولان برشی عینی شکل
و صورتدہ حرام اولور . آنی تفریق و تمیز ، تعیین و تبیین ایدہ جک
دیندر .

وجدان دیدیکک نہ اولور ؟ عجب انسانک احشاء بطنیہ سندہ یورک ،
یورک ، جکر ، معدہ ، باغرسلق کی لوازم ترکیب حیاتدن معدود
برنسندہ میدر ؟ اولیلہ ایسہ او حالده هر انساندہ بولنسی لازمکلور . هر
جانیدہ هر شخص شیردہ ، قاتلدہ ، خرسزدہ ، وحشی جانوارلردہ دخی
بولنسی لازمکلور . حالبوکہ اولیلہ دکلدر . علماء تشریح بطن انساندہ
وجدان نامیلہ بر عضو ، یابر جسمک وجودندن خبرو یرمیورلر . بو حالده
وجدان دنیلان شیء مادی بر عضو ، بر جسم دکل ، معنوی ، روحانی
بر جس شریف ، بر نصف معدات الیفدر . وجدان ، « ضمیر = کونسیانس »
ناملریلہ بالعموم ابناء بشر کندولرندہ وجودندن بختلہ تفاخر و تباهی
ایتدکاری بو جس شریف محضاً تربیہ دینیہ نتیجہ سیدر . دین و ایمانی
اولیانک وجدانی دخی یوقدر . نتہ کم مجاہل افریقیدہ کائن ام وحشیہ
انسان یمکی افضل اطعمہ دن عد ایدرلر .

بورادہ براعتراض وارد اولہ بیلور کہ اودخی : — اشته طبعیون
اکثریا دینہ اینانمز و براعتقاد ایلہ مقید دکلدردر . بونکلہ برابر انلردن